

## Messadi

### per la radunanza communal digls 29 d'avost 2016

Stimadas votantas, stimos votants

Igls 29 d'avost 2016 ò la radunanza communal da decider davart igls affars suandonts :

#### **3. Surpiglier ena garanzeia da max. 160'000.00 fr. an favour dalla Runals Beiva SA an connex cun l'amplificaziun digl neivadoir**

Igl cunsegl d'administraziun dalla Runals Beiva SA ò decida d'amplifitgier igl neivadoir sen l'antiera lunghezza digl runal da Beiva (pitga 5 anfignen Camon). Per la finanziaziun è nia dumando en amprest tenor la nova politica regiunala (NPR/NRP). La decisiun definitiva pertutgont l'otezza digl amprest stat anc or; igl importo cumporta pero maximal 160'000.00 fr. Tenor las directivas digl cantun ò igl cumegn da surpiglier la garanzeia per amprests siva NPR. La cumpetenza da conceder garanzeias schea tar la radunanza communal (art. 30 cefra 5 dalla costituziun communal).

##### **Proposta dalla suprastanza communal :**

La suprastanza propona alla radunanza communal da surpiglier ena garanzeia da maximalmaintg 160'000.00 fr. an favour dalla Runals Beiva SA.

#### **4. Lescha davart igl menaschi dalla reit da distribuziun e la furniziun d'energeia dalla ovra electrica Surses (lescha d'electricidad)**

La nova lescha davart igl menaschi dalla reit da distribuziun e la furniziun d'energeia dall'ovra electrica Surses (lescha d'electricidad) è neida elaborada ansemen cun las Ovras electricas digl martgea da Turitg OET/EWZ e corresponda allas prescripziuns dalla cumischung federala per l'electricidad (Elcom).

Tot las tariffas tgi vignan applitgeidas pigl travagl dall'ovra electrica Surses (furniziun d'energeia, indemnizaziun per la restituziun d'energeia, costs d'adiever dalla reit e contribuziuns per igl attatg e l'utilizaziun dalla reit, consegna agl cumegn scu er la stipulaziun da taxas per dumbrar e misirar) vignan fixadas dalla suprastanza communal separadamaintg ed èn cotras betg cumpigleidas ainten la lescha preschainta.

La nova lescha vala per la reit da distribuziun dall'ovra electrica Surses. Beiva ò en'atgna ovra electrica, uscheia tgi per lezza vischnanca vala anavant la lescha digls «Impianti elettrici Bivio».

##### **Proposta dalla suprastanza communal:**

La suprastanza propona alla radunanza communal d'approvar la lescha davart igl menaschi dalla reit da distribuziun e la furniziun d'energeia da l'ovra electrica Surses e da metter an vigour chella sen igl 1. da schaner 2017.

#### **5. Lescha da pumpiers digl cumegn da Surses**

La nova lescha da pumpiers regla las obligaziuns e l'organisaziun digls pumpiers digl cumegn da Surses. Ella vign relascheda a basa digl art. 26 alinea 3 dalla lescha cantunala davart la protecziun cunter incendis. La sieranza da bietgs digl cantun Grischun ò examino igl sboz dalla lescha preschainta ed ò catto tgi chel seia an rughel.

##### **Proposta dalla suprastanza communal:**


La suprastanza propona alla radunanza communal d'approvar la lescha da pumpiers digl cumegn da Surses e da metter an vigour chella retroactivamaintg sen igls 1. da schaner 2016.

Tinizong, igls 11 d'avost 2016

**Per la suprastanza communal da Surses:**



Leo Thomann  
mastral



Beat Jenal  
canzlis